



Israeleko Armadaren erasoek eragindako hildakoen hiletak.

Libano: gerra arriskua piztu dute Israelen azken erasoek

DONOSTIA

Asteartean Israeleko Aire Armadak Libanoko hegoaldean Hezbollah taldeak dituen baseak eraso ondoren tentsioa izan zen nagusi atzo egun guztian zehar. Herenegun Israelek egindako hamabi erasoek hiru hildako eta beste hamazazpi pertsonen heriotza eragin zuten.

«Israeleko indar armatuak terrorista horien kabiak garbitzen segituko dute, haiek mezua ulertu arte». Horrela egin zien mehatxu Yitzhak Shamir lehendakariak Hezbollah (Jainkoaren Alderdia) taldeko gerrillari.

Herenegungo erasoen ondoren, azken bi urte hauetan egin ez duten bezala, Israelen hegazkinen aurka artilleria erabiltzen hasi ziren Siria eta Libano, nahiz eta aire tropak jotzea lortu ez zuten. Asteartean hamaika t'erdia aldera (goizeko 6:30 Euskal Herriko ordutegiaren arabera) egin zuten lehen saioa israeldarrek Hezbollah taldeak Libanoko hegoaldean dituen baseen aurka.

SHAMIRREN AURKAKO SALAKETAK Shamirren Gobernuak prestatutako ekintza hauekin aurrera eginez gero, ge-

rra arriskua areagotu egingo da dudarik Siria eta Israelen artean. Ildo honi jarraiki ulertu behar dira Faruk Al Shara Siriako Atzerri ministroak egindako adierazpenak: «Israelek hala inposatzen badigu gerran sartzea baino beste aukerarik ez dugu izango».

Horretaz gain, aurrera doazen Ekialde Erdiako bake planekin segitzeko asmoa agertu zuen Al Shara ministroak. Dena den, Israelek azken egunetan egin dituen ekintzak «Nazio Batuen 242 eta 338 ebazpenen aurkako sabotaria garbia» direla adierazi zuen PAEko kideek ere salatu egin zituzten erasoak.

Alde bateko zein besteko gatazkek aurrera egin dezaketelako ustea agertu zuten baita ere Hezbollah taldeko kideek. Hari horretatik, euren aurkako eraso gehiago izatekotan, lurralde okupatuak komunitate juduen aurka egingo dutela iragarri zuten atzo talde txiitako buruek.

Egiptok ere —Ekialde Erdian Israelekin harreman diplomatikoak dituen herrialde bakarra— Shamirren erregimenak prestatutako azken ekintzak salatzeaz gain Libanoko hegoaldeko gatazkek nazioarteko itunak bortxatzen dituztela adierazi zuen.

Afghanistaneko gerrilek bake akordioa lortu dute

DONOSTIA

Astelehenean Kabul egin dako bileraren ostean, Afghanistaneko oposizioako bi alderdi nagusietako buruek gatazkei amaiera eman eta hauteskunde orokorretarako deialdia egitea erabaki zuten.

Ahmed Sha Massud moderatuak eta Gulbudin Hekmatiar Alderdi Islamiar erradikaleko buruek egin zuten bilkuran Arabia Saudia eta Pakistaneko bitarte-

kariak izan ziren, Mohamed Najibullah komunistaren erregimenaren kontra aritu ziren gerrilak lagundu zituzten herrialdeetarik bi hain zuten.

Oposizioako buruek izandako elkarrizketetan bake akordioa lortu zuten arren, gerrilari moderatu eta erradikalen arteko erasoek aurrera egin zuten herenegun, Najibullah-ek lehendakariak Gobernu utzi ondoren sortutako krisialdi larriari jarraipena emanez.

Kosovoko albaniarrak beldur dira serbiarrak borrokan hasiko diren

Igandeko hauteskundeen ondoren bi pertsona hil dira enfrontamenduetan

Maiatzaren 24eko legezkanpoko hauteskundeen ostean, Kosovoko albaniarrak beldur dira Beogradeko agintariek lagunduriko serbiarrak beren aurka hasiko diren. Herenegun lehendabiziko biktima bi izan ziren Serbiako hegoaldeko probintzia honetan. Polizia bat eta albaniar bat elkarren aurkako borrokan hil ziren.

K. A / DONOSTIA

Lehendabiziko enfrontamenduak Leshame herrian izan ziren, Kosovoko ekialdean, bertako agintari serbiarrek adierazi zuten. Agintari hauek zehaztu zuten, albaniar talde batek Polizia patruila bati eraso egin ziola eta enfrontamenduetan Slavoljub Bogosvljevic polizia serbiarra eta Lush Berisha zibil albaniarra hil zirela.

Agintari horien arabera, polizia indarrek Leshame herria hartu zuten eta aldameneko Klisina herrian (gehiengo serbiarrekoa) herritarrek kalera irten ziren, hildako polizia serbiarrearengatik mendeku eske.

Kosovo probintziako herritarren % 90 albaniarrak dira eta % 10 soilik dira serbiarrak. Baina albaniarrak beldur handia dute Beogradetik bertako serbiarrei eman diezaizkieten laguntzaz, eta Serbiako hegoaldeko probintzia honetan Bosnia Herzeegovinakoaren antzeko borroka hasiko den. Iragan igandean egin ziren hauteskundeen aurretik, buruzagi albaniarrek salatu zuten agintari serbiarrak Kosovoko herritar serbiarrei armak banatzen ari zaizkiela eta probintzia militarizatu nahi dutela.

BIGARREN MAILAKO HERRITARRAK Mazedonia errepublikatik irtendako tropa

gehienak Kosovon geratu dira, Eslovenia eta Kroaziatik alde egindako askorekin batera. Albaniarren arabera, serbiarrak ongi hornituta daude armaz, eta Kroazian eta Bosnia Herzegovinan egindakoaren antzeko plangintzak dituzte Kosovon ere. Bi errepublika horietan borroka egiteko Armada jugoslaviar-serbiarrak Kosovoko albaniarrei dei egin die lehenbizi. Honek eragin du gazte albaniar asko mendira eta beste herrialdeetara ihesi joatea.

Duela hiru urte, Slobodan Milosevic Serbiako lehendakariak asimilazio politikari ekin zionean, langile albaniar denak Administrazio publikoko lantokiek kendu zituzten, telebista, ospitale, Unibertsitate, ikastetxe



Bosniako irudi hau Kosovon gertatuko den beldur dira albaniarrak.

✓ Sarajevon hoge pertsona hil eta beste 70 zauritu ziren, gerrilari serbiarrek jaurtiketako hiru granadak merkatuan jausi ondoren.

publiko eta Poliziatik. Kosovok dituen bi milioi biztanleetatik serbiarrak 200.000 soilik badira ere, kargu publiko guztiak dituzte eta instituzio guztien jabe dira.

Beogradeko agintariek Kosovo Serbiako zati bailitz eta bertako albaniarrak serbiarrak direla pentsatzen segitzen dute, baina praktikan, bigarren mailako herritarrek bailiran tratatzen dituzte, eta bertara bidalitako tropek okupazio armada bailiran jokatzen dute.

Kosovoren banaketa

Bosnia Herzegovina errepublikarekin egin nahi izan duen bezala, Slobodan Milosevic Serbiako lehendakaria Kosovoren banaketa prestatzen ari daiteke. Hori da probintzia honetako buruzagi albaniarrek salatu dutena. Herenegun, Veton Surroi Alderdi Parlamentarioko buruzagiak zioen, Kosovoren banaketa Milosevicen plangintzen barnean sartzen da. Surroik salatu zuen dagoeneko Beograden mapa bat ere egin dutela. Horren arabera, Pristina hiriburutik hoge kilometro mendealdera dihoan lerro bat trazatu dute «muga berri» gisa, lehendabizikoa Serbiak bereganatuko lukeena eta beste zatia Albaniari atxekiko litzaiokeena. Mugaren alde batean serbiarrak (% 10) eta bestean albaniarrak (% 90) geratuko lirateke. Horretarako, Bosnia Herzegovinako kasuan bezala, zibilak samaldan migratzera behartuko lituzkete agintari serbiarrek eta izu etnikoa erabiliko lukete eta milaka hildako eragingo.

Iragan igandeko hauteskundeetan, Kosovoko albaniarrek Serbiatik bereizteko asmoekin aurrera segitzeko borondatea agertu zuten eta horrek urduri jarri ditu, eta bertako begiraleek enfrontamendu serioak has daitezkeela uste dute.

HOGEI HILDAKO SARAJEVON Bitartean, Bosnia Herzegovinan atzo Andrei Kozirev Errusiako Atzerri ministroaren artekaritzaz suetena hitzartu bazuten ere, Sarajevo hiriburuan hoge lagun inguru hil eta beste 70 zauritu ziren, merkatu egoitzan hiru granada erori ondoren. Jendea kalera irten zen urriak

diren erosketak egitera, Kozirevek iragarritako suetenaren ondoren. Agintari bosniarrek adierazi zuten, granadak, gerrilari serbiarrak indartsu diren eremuetatik jaurtiki ziren. Leherketaren unean berrehun lagun inguru zeuden merkatu inguruan.